

中国古籍整理丛书

综合 18

国家中医药管理局
中医药古籍保护与利用能力建设项目

医学汇函(中)

明·聂尚恒 编撰
傅海燕 马晓燕 季顺欣 于恒
吕凌 史焱 蔡宝宏 校注

中国古医籍整理丛书

医学汇函

(中)

明·聂尚恒 编撰

傅海燕 马晓燕 季顺欣 于 恒 校注
吕 凌 史 焱 蔡宝宏

中国中医药出版社

· 北 京 ·

图书在版编目 (CIP) 数据

医学汇函: 全3册/ (明) 聂尚恒编撰; 傅海燕等校注. —北京: 中国中医药出版社, 2015. 12

(中国古医籍整理丛书)

ISBN 978 - 7 - 5132 - 2977 - 7

I. ①医… II. ①聂… ②傅… III. ①中医学 - 临床医学 - 经验 - 中国 - 明代 IV. ①R249.1

中国版本图书馆 CIP 数据核字 (2015) 第 291334 号

中国中医药出版社出版

北京市朝阳区北三环东路 28 号易亨大厦 16 层

邮政编码 100013

传真 010 64405750

保定市中华美凯印刷有限公司印刷

各地新华书店经销

*

开本 710 × 1000 1/16 印张 82.25 字数 716 千字

2015 年 12 月第 1 版 2015 年 12 月第 1 次印刷

书号 ISBN 978 - 7 - 5132 - 2977 - 7

*

定价 208.00 元

网址 www.cptcm.com

如有印装质量问题请与本社出版部调换

版权专有 侵权必究

社长热线 010 64405720

购书热线 010 64065415 010 64065413

微信服务号 zgzyycbs

书店网址 csln.net/qksd/

官方微博 <http://e.weibo.com/cptcm>

淘宝天猫网址 <http://zgzyycbs.tmall.com>

三 卷

中风脉证

风邪中人，六脉多沉伏，亦有脉随气奔，指下洪盛者。挟寒则脉带浮迟，挟暑则脉虚，挟湿则脉浮涩。《脉经》曰：脉微而数，中风使然。寸口沉大而滑，沉则为实，滑则为气，气实相搏，入于脏则死，入于腑则愈。此为卒厥，不知人，唇青身冷，为入脏，死；身温和，汗自出，为入腑，而复自愈。脉阳浮而滑，阴濡而弱者，宜吐。或浮而滑，或沉而滑，或微而虚者，皆虚与痰也。大法宜浮迟，不宜强大急数。若脾脉缓而无力者，最为难治。盖风喜归肝，肝木克脾土，则大便溏泄，故不治也。

三
卷
——
三
六
九

中风病证^①

夫风中于人也，曰卒中，曰暴仆，曰暴暗，曰蒙昧，曰喎僻，曰瘫痪，曰不省人事，曰语言謇涩，曰痰涎壅盛，或死，或不死，皆以为中风之候也。《内经》曰：风者，百病之长也。至于变化，乃为他病，无常方。又曰：风者，善行而数变。又曰：风之伤人也，或为寒热，或为热中，或为寒中，或为痹风，或为偏枯。《千金》云：岐伯所谓中风，大法有四：一曰偏枯，谓半身不遂也；二曰风痺，谓身无疼痛，四肢不收也；三曰风癰，谓奄忽不知人也；四曰风痹，谓诸痹类风状也。《金匱要略》曰：寸口脉浮而紧，紧则为寒，寒虚相搏，邪在皮肤。浮者血虚，脉络空虚，贼邪不泻，或左或右，邪气反缓，正气即急，正气引邪，喎僻不遂。邪在于络，肌肤不仁；邪在于经，即克不胜；邪入于腑，即不识

^① 中风：原脱，依本书标题格式补入。下文“中风治证”“中风不治证”同。

人；邪入于脏，舌即难言，口吐痰沫。是以古之名医，皆以外中风邪立方处治。及近代刘河间、李东垣、朱丹溪三子者出，始与古人异矣。河间曰：中风瘫痪者，非谓肝木之风实甚而卒中之，亦非外中于风，良由将息失宜，心火暴甚，肾水虚衰，不能制之，则阴虚阳实，而热气怫郁、心神昏冒、筋骨不用，而卒倒无所知也。多因喜、怒、思、悲、恐，五志有所过极而卒中者。夫五志过极，皆为热甚故也。俗云：风者，言末而忘其本也。东垣曰：中风非外来风邪，乃本气自病也。凡人年逾四旬，气衰之际，或因忧喜忿怒伤其气者，多有此症，壮岁之时无有也。若肥者，则间而有之，亦是形盛气衰，故如此耳。丹溪曰：有气虚，有血虚，有痰盛。又曰：西北气寒，为风所中者，诚有之矣。东南气温，而地多湿，有风者，非风也，是湿生痰、痰生热、热生风也。三子之论，河间主乎火，东垣主乎气，丹溪主乎湿，反以风为虚象。若以三子为是，古人为非，则三子未出之前，固有从古人而治愈者；若以古人为是，三子为非，则三子已出之后，亦有从三子而治愈者。大抵古人与三子之论，皆不可偏废。盖古人之论，言其证也；三子之论，言其因也。因则为本，证则为标。然所谓外中风邪者，未必不由元精虚弱，荣卫失调，而后感之也。其所谓因火、因气、因湿者，亦未必绝无外邪侵侮而作也。

中风治证

治风之法，全在活变。若重于外感者，先驱外邪，而后补中气；重于内伤者，先补中气，而后驱外邪。或以散风药为君，而以补损药为臣使；或以滋补药为君，而以散邪药为臣使，量轻重而处之也。《内经》曰：有取本而得者，有取标而得者，有本而标之者，有标而本之者。又曰：急则治其标，缓则治其本。若夫初病暴仆，昏闷不省人事，或痰涎壅盛，舌强不语，两寸口脉浮大而实者，急宜瓜蒂、藜芦等药吐之，以遏其势。或人迎脉紧盛，或六脉俱浮弦者，急用小续命汤表之。盖风气太盛，心火暴盛，

而痰涎壅遏于经络之中。于斯时也，岂寻常药餌而能通达于上下哉？或本方加附子，以其禀雄壮之资，而有斩关夺将之势，能引人参辈并行于十二经，以追复其散失之元阳；又能引麻黄、杏仁辈发表开腠理，以祛散其在表之风寒；引芍、归、芍药辈入血分，行血养血，以滋养其亏损之真阴。或加石膏、知母以降胃火，或加黄芩以清肺金。看所挟见证，与夫时月寒温，加减施治。病势稍退，精神稍复，辄当改用丹溪之法，而以补气补血消痰之剂，以调其本气而安。此急则治其标，与夫标而本之之治也。凡人手足渐觉不随，或臂膊及髀股指节麻痹不仁，或口眼喎斜，语言謇涩，或胃膈迷闷，吐痰相续，或六脉浮滑而虚软无力，虽未至于倒仆，其为中风晕厥之候，可指日而定矣，早当从丹溪之法调治。其左手脉不足，及左半身不遂者，以四物汤补血之剂为主；右手脉不足，及右半身不遂者，以四君子汤补气之剂为主。治痰盛者，二陈、导痰等汤兼用；气血两虚而挟痰者，八物汤加南星、半夏、枳实、竹沥、姜汁之类。若夫真元渐复，痰饮渐消，或觉有风邪未退者，仍以羌活愈风汤、防风通圣散之类出入加减，调治而安。此缓则治其本，与夫本而标之之治也。抑考先哲有云；其证有中脏、中腑之分，证各不同。中腑者多着四肢，故面加五色，脉浮而恶风寒，四肢拘急不仁，或中身之前，或中身之侧，皆曰中腑也，其治多易；中脏者，多滞九窍，故唇缓失音，耳聋鼻塞，目瞽，大小便闭结，皆曰中脏也，其治多难。大法中腑者，小续命汤以发其表；中脏者，三化等汤以通其里；脏腑兼见者，又不可拘泥，或一气之微汗，或一句之通利。又曰：治须少汗，亦须少下。多汗则伤其卫，多下则损其荣，斯又不可不谨。或外无六经之形证，内无便溺之阻隔，但手足不随，语言謇涩者，此邪中于经，又当从中治，而不可以标本论也。是以养血通气，大秦苳汤、羌活愈风之类治之。外有痹痿气厥，脾虚伤食，及乎土太过，令人四肢不举之候，皆似中风，又当审察明白，各从其类以治之。

中风不治证

凡中风，但见发直、摇头、吐沫、上撝、面赤如妆、汗缀如珠，或头面青黑、痰响如曳锯者，皆不治。若眼开、手散、鼻鼾、口张、遗尿不知，此五者为五脏绝，五脏俱绝，亦皆不治。但见其一，犹当施治。心肾绝，尤难治也。若动止筋痛，是无血滋筋，故痛，曰筋枯，不治。

论病治法

初若中风、中气，昏倒不知人事，牙关紧急、涎潮壅塞、口眼喎斜、半身不遂、精神恍惚，仓卒之际，急以手大指掐刻人中，即省。或急令人将病者两手两足，从上而下，频频赶出四肢，痰气即散，免致攻心，即醒。或急以三棱针刺手中指甲角十井穴，将去恶血，就以气。针刺合谷二穴、人中一穴，皆是良法。如或未效，用通关散吹鼻，即提起头顶发，候有嚏可治，无嚏不可治。如口噤不开，用破关散擦之，口即开，即多灌香油，或少加麝香一二分，或用姜汁亦可，或太白散、化风丹、摄生饮之类，当随证选而用之。如风痰顽结，诸药不效者，夺命散一服立愈。

痰涎壅盛者，口眼喎邪者，不能言语者，皆当用吐法，宜独圣散吐之；或口噤，用藜芦末少加麝香，灌入鼻内吐之。一吐不已，再吐之。亦有气血虚而不可用吐法者。

肥人多有中风，以其气盛于外，而歉于内也。肺为气出入之道，人胖者气必急，气急则肺邪盛，肺金克木，胆为肝之腑，故痰涎壅盛。所以治之必先理气为急，中后气未尽顺，痰未尽除，调理之剂，惟当以藿香正气散加南星、木香、防风、当归。此药非特治中风之证，而中恶、中气尤宜。

气虚卒倒，参、芪补之。挟痰，则浓煎人参汤，加竹沥、姜汁。血虚，四物汤补之。挟痰者，四物汤以姜汁炒过，更加竹沥、姜汁。

左瘫右痪者，因气血虚而痰火流注也。血虚则痰火流注于左，而为左瘫，宜四物汤加白芥子、竹沥、姜汁。兼有死血，加桃仁、红花。气虚则痰火流注于右，而为右痪，宜四君子汤合二陈汤加白芥子、竹沥、姜汁。能食者去竹沥，加荆沥尤妙；肥人多湿，少加附子行经。瘫痪初起，急治则可，久则痰火郁结而难治也。

中风，饮食、坐卧如常，但失音不语，俗呼为哑风，小续命去附子，加石菖蒲一钱，或诃子清音汤亦可。然不语岂止一端？有舌强不语、神昏不语、口噤不语、舌纵语涩、舌麻语涩，其间治痰、治风、安神、养气血，各从活^①法，又难拘续命、诃子而已。

中气亦似中风，但风中多痰涎，气中口中无涎。又风中身温，气中身冷。风中脉浮洪，气中脉沉伏。此七情内伤，气逆为病，治当顺气，用乌药顺气散、八味顺气散主之，或藿香正气散亦可。经云：无故而暗，脉不至，不治自己。谓气暴逆也，气复则已。审如是，虽不服药，自可。

中风、中气，口眼喎斜，言语謇涩，或口噤牙关紧急，筋脉挛缩，骨节风肿，手脚疼痛，行步艰难，一应风气疼痛，太乙紫金丹用酒磨服。

中风不语，瘫痪初起，宜导痰小胃丹，用姜汤送三五十丸，少时即能说话。

中风头痛如破，语言謇涩，小续命汤加羌活。

中风口眼喎斜，头疼发热，恶风初作者，羌活冲和汤加独活、藁本。

中风一身俱麻，乌药顺气散加人参、白术、川芎、当归、麦门冬。

中风面目、十指俱麻，乃气虚也，宜补中益气汤加木香、附子、羌活、防风、乌药。

中风满身刺痛，宜四物汤加荆芥、防风、蔓荆子、蝉蜕、麦

① 活：据文意疑作“治”。

门冬。

中风半身不遂，宜羌活愈风汤加天麻、荆芥、僵蚕各一钱。

中风治方

通关散 治中风不语，不省人事，牙关紧急，汤水不及。

天南星五钱，能坠中风不省之痰厥^① 半夏五钱，消痰呕吐开胃 牙皂五钱，治风痰如响应

共为细末，每用少许吹鼻。有嚏可治，无嚏不可治。此方系是吹鼻通关之剂，能消痰除嗽，涂肿痛，兼去头风。

破关散 治中风，牙紧，无门下药。

天南星五分，破关开窍 龙脑能消风气，通九窍，五月五日午时采，阴干者佳

已上各五分，共为末，频擦令热，牙自开。此方系治口噤者擦牙开关之剂。

太白散 治中风痰气厥绝，心头尚温，喉中微响。此药下痰如神。

千年古石灰刮去土

为细末，水飞过，每三钱，水一碗，煎至三分，温服。

化风丹 治一切中风痰厥风痫，牙关紧急、不省人事，及小儿惊风搐搦、角弓反张、发热、痰嗽、喘促，并皆治之，累经良验。

天南星牛胆制过，二钱，堕中风不省之痰毒 天麻煨，治诸风麻痹不仁，瘫痪，语言不遂 防风去芦，能通疗诸风 荆芥穗陈久者良 羌活除新旧风湿之症 独活去芦，能治诸风掉眩、颈项难伸、风寒湿痹 人参去芦，利痰 细辛治肢节拘挛，风寒湿痹 川芎各二钱，能上行头角，助清阳之气

已上其为细末，炼蜜为丸，如芡实子大，朱砂为衣，薄荷煎

^① 能坠……痰厥：今本《古今医鉴》除外极个别方剂，均无方解，本书方解疑为作者所加。

汤研化服。因气恼，用紫苏汤化下；如牙关口噤，用少许擦牙即开。一方，加木香五分，尤神。

摄生饮 治一切卒中，不论中风、中寒、中暑、中湿^①及痰厥、气厥、不省人事者，初作即用此方，神效。

生苍术一钱，补中除湿 南木香一钱半，能调诸气 南星湿纸煨，一钱半，醒脾、去风痰 半夏滚水泡，一钱半，治痰厥及头痛 辽细辛一钱，泻三阳数变之风邪 石菖蒲一钱，开心气、散冷，更治耳聋 生甘草生则泻火解百毒而有效

上锉，生姜七片，水煎温服。痰盛，加全蝎，炙，二枚。

夺命散 治卒暴中风，涎潮气闭，牙关紧急，眼目上视，破损伤风，搐搦潮作，及小儿急惊风并治。

天南星通关大开窍 甜葶苈能开喉而治痰厥 香白芷能去热风，性温，无毒 半夏治痰厥头痛，除湿化痰 巴豆通五脏，破癥逐水，又消痰

上为细末，每服半钱，用生姜自然汁一呷调下。牙关紧急，汤水灌不下者，此药辄能治之。小儿以利痰或吐为愈。

此方系是中风痰顽结者，宜用此猛烈之剂。

独圣散 治中风痰迷心窍，癫狂烦乱，人事昏沉，痰涎壅盛，及五痫心风等症。

甜瓜蒂

为末，每五分，重者一钱，熟水调下，即吐。如不吐，须再进一服。倘不止，以白汤止之，或葱汤亦妙；或麝香少许，研水饮之，即解。如吐风痰，加全蝎五分微炒；如有虫者，加雄黄一钱，猪油五七点，甚者加芫花五分，立吐其虫；如湿肿满，加赤小豆末一钱。凡吐令人眼翻，吐时令闭双目。

按：上方治痰壅盛，吐痰之剂。

加味藿香正气散 治肥人多有中风，气急邪盛，痰涎壅滞，中后气未尽顺，用此药调理。

藿香温中，止霍乱、心腹痛、吐逆，最要药也 紫苏治风寒湿痹，及

① 湿：原作“温”，据《古今医鉴·中风》改。

筋骨疼痛、脚气 白芷治痹痛风邪 大腹皮治冷热气攻心腹，调中开脾健胃 茯苓各六分。东垣云：胸胁逆气，烦满咳逆，口焦舌干，消渴津少俱治 厚朴消痰下气 白术消虚痰、痞气、宿滞，中风口噤俱治 陈皮消痰泄气 桔梗利膈气 半夏善去脾经湿痰，痰去而脾胃自健矣 神曲各四分 甘草二分，善和诸药、解百毒，故称国老 姜三片，能通心肺，心肺通则一身之气正，而邪气不能容 枣一枚 加南星利中风，痰壅胸膈，不省人事 木香治气痛、气滞、痰结 防风治周身骨节痛，四肢拘挛，一切风邪 当归全用，活血

上，水煎服。

加味四物汤 治中风痛，身刺痛。

白芍二钱五分，缓中破血，腹胀非此不除，心经药也。夏月倍用 当归二钱，酒中和血，刺痛如刃，非此不除，肾经药也。冬月倍用 熟地黄二钱五分，滋阴生血，脐痛非此不除，脾经药也。秋月宜倍用之，男子加此 川芎二钱，能清阳、和血行血，肝经药也。头痛非此不除，春月倍用之。女人亦倍用之。水煎温服，常服此方顺四时之气，对症无有不愈者 加荆芥能发汗，去皮毛诸风 防风能泻肺金，通疗诸风 蔓荆子通关窍，又除筋骨中寒热 蝉蜕无毒，治惊痫 麦门冬各五分，止燥渴，阴中得其养，补虚劳，热不能侵

上，水煎温服。

小续命汤 治卒暴中风，不省人事，半身不遂，口眼歪斜，手足战掉，语言謇涩，肢体麻痹，神情昏乱，头目眩晕，痰涎壅盛，筋脉拘挛，及脚气缓弱，不能动履屈伸。治外有六经之形证，则从此方加减以发其表。

麻黄去节，散寒邪而发表 杏仁泡去皮尖，能利痰 官桂下行补肾 白芍药生新血，退热 川芎上行头角，助清阳气而止头痛 防己有去风湿之能 黄芩无毒，消痰利气，除风湿 人参去芦，和中益元气 甘草炙，各一钱四分，能健脾胃而解百毒 防风一钱，能通疗诸风 附子炮，去皮、脐，七分，除六腑之沉寒，补三阳之厥逆

上锉作一剂，每剂用生姜五片，水二钟，煎至一钟，去渣，通口服。

凡中风，不审六经之形证，加减用药，虽治之不能去其邪也。《内经》曰：开则淅然而寒，闭则热而闷。知暴中风邪，宜先以续命汤随证治之。

太阳中风，无汗恶寒，倍麻黄、杏仁、防风；太阳中风，有汗恶风，倍桂枝、杏仁等药；阳明中风，身热有汗，不恶风，倍干葛、桂枝、黄芩；太阴中风，无汗身凉，倍附子、干姜；少阴中风，有汗无热，倍桂枝、附子、甘草；中风无此四经，六证混杂，系于少阳、厥阴，或肢节挛痛，麻木不仁，倍羌活、连翘。大法春夏加石膏、知母、黄芩，秋冬加官桂、附子、芍药；有热，去附子，加白附子亦可；筋急拘挛，语迟，脉弦，加薏苡仁；若筋急，加人参，去黄芩、芍药，以避中寒，服后稍轻，再加当归；烦燥不大便，去附、桂，倍芍药、竹沥；大便三五日不出，胸中不快，加枳实、大黄；语言謇涩，手足战掉，加石菖蒲、竹沥；发渴，加麦门冬、葛根、天花粉；热渴，加秦艽；身体痛，加羌活，搔者亦加之；烦燥多惊，加犀角、羚羊角；恍惚错语，加茯神、远志；不能言，加竹沥；失音不语，加石菖蒲；中风头痛如破，加羌活；骨节痛，此有寒湿，倍附子、官桂；呕逆腹胀，加半夏、人参；脚膝弱，加牛膝、石斛；腰疼，加桃仁，去皮尖，杜仲、姜汁炒；不得睡，加酸枣仁；痰多，加南星；肥人多湿，加乌附；行经用童便浸煮，以杀其毒，以助下行之力，入盐尤妙；脏寒下痢，去防己、黄芩，倍附子，加白术；或歌或笑或哭，语言无所不妄，加白术，倍麻黄、人参、桂枝；自汗，去麻黄、杏仁，加白术。

按：上方治风中腑者，发表之剂。

诃子清音汤 治诸风失音不语。

桔梗一两，半生半炒，利膈气而止痛 诃子四十九个，半生半炮，生津止渴 甘草二钱，半生半炙，生则泻火，炙则和中

上为细末。每服七钱，用煎熟童便一大碗调服，甚者三四服效。

乌药顺气散 治男、妇一切风气攻注，四肢骨节疼痛，遍身

麻痹，手足瘫痪，语言謇涩，筋脉拘挛，及脚气步履艰辛，脚膝软弱，妇人血气，老人冷气，胸膈胀满，心腹刺痛，吐泻肠鸣。凡治风先理气，气顺则痰消，徐理其风，庶可效功。理气者，气滞、气郁之类，此七情也。

麻黄去节，散寒邪而发表 陈皮去白，消痰泄气 乌药各二钱，能治冷气 川芎助清阳之气而止头痛 白芷去头面、皮肤之风 僵蚕炒，治诸风之喉闭 枳壳去穰，麦炒，治胃中隔宿之食，削腹中连年之积 桔梗去芦，各一钱，利膈气，兼止头痛 干姜炮五分，暖中，无毒 甘草炙三分，健脾胃和中

上锉一剂，生姜、枣煎。

如憎寒壮热，肢体倦怠，加葱白；遍身瘙痒，加薄荷；手足拘挛，加木香、石斛；湿气，加苍术、白术、槟榔；足浮肿，加牛膝、五加皮、独活；遍身疼痛，加当归、官桂、乳香、没药；有虚汗，加黄芪、麻黄根，去麻黄、干姜；胸膈胀满，加枳实、莪术；头眩，加细辛、细茶；脚不能举动，加羌活、防风、麝香；心腹刺痛，加小茴；手足不能动，头不能起，加川续断、威灵仙；阴囊浮肿，合五积散；四肢冷痹，加川乌、附子、官桂、秦艽；久患左瘫右痪，去麻黄、干姜，加天麻、防风、羌活、半夏、南星、木香、当归；麻痹作痛，加天雄、细辛、防风；妇女血风，加防风、荆芥、薄荷；臂痛，加羌活、防风、薄桂、苍术、紫苏；气滞腰痛，加桃仁，入酒同服；背心痛，合行气香苏散加苍术、半夏、茯苓；口眼喎斜，加姜炒黄连、羌活、防风、荆芥、竹沥、姜汁；麻痹疼痛极者，合和三五七散；日夜疼痛，日间轻，夜又痛，合和神秘左经汤；二三年不能行者，合和独活寄生汤。

八味顺气散 治中风之人，先服此药顺气，次进治风之剂。

白术强脾胃，进饮食之效 白茯苓利窍而除湿 青皮去瓢，快膈，而除湿胀 白芷性温，无毒，去头面、皮肤之风 陈皮去白，消痰泄气 乌药能治冷气 人参各二钱，生津利痰 甘草炙一钱，健脾胃、和中

上锉，分二剂，每一剂用水二钟，煎至八分，去渣，食远服。或加木香、南星以苏痰气；或痰盛，加半夏二钱，生姜三片。

太乙紫金丹 治中风口眼喎斜，言语蹇涩，或口噤，牙关紧急，筋脉挛缩，骨节肿，行步艰辛。一应风气疼痛，太乙紫金丹用酒磨服。

山慈菇去皮洗净，二两，又名鬼灯花，疮肿、痈疽、瘰癧、消毒 文蛤一名五倍子，洗净，二两，除齿鬣及疮脓，去风热 千金子^①一名续随子，拣色白者，纸包，研，去霜，炼一两，能消癥荡滞，虫毒尤攻 红芽大戟一名紫大戟，洗，焙干，一两五钱，切不可误用绵大戟，色白者大峻^②利，反能伤人，弱人吐血慎^③之。红芽大戟，药性云：能治腹满急痛，利大小肠 麝香三钱，辟邪通窍，无毒攻风，凡堕胎救产难

已上制法，宜端午、七夕、重阳或天月德黄道上吉日修合，量药多寡，预期数日前，主人及医生俱斋戒沐浴，易浣濯及洁新衣巾履袜，于僻静净室焚香，将五味药为极细末，设盥洗盆，出入必净手熏香，各用新洁器盛，纸盖。至期夙兴，主人率医生，焚香、陈设药品，拜祷天地毕。用数盆，各逐盆配合分两，搅和数百次极匀，仍重罗两遍，依方用糯米浓饮调和，用木臼内杵数千下，极光润为度。每錠一钱，每服一錠。病势重者，连服通利，后用温粥补住，要在于心至诚，极其洁净，如法修制，毋令丧服、体气、不具足人^④、妇人，鸡犬见之。

导痰小胃丹 治中风不语，瘫痪初起，用姜汤送三五十丸，少时即能说话。

南星二两半，能堕风而治痰厥 半夏二两半，二味用白矾、皂角、姜汁水煮十五次，能治风痰 白术去芦，一两，能利水道，有除湿之功，强脾肾，有进食之效 陈皮去白，消痰泄气；留白，补胃和中 枳实消胸中之虚痞，化日久之稠痰，二味用白矾、皂角水泡半日，去白，焙干，炒，各一两 桃仁润大肠血闭之便难，破大肠久蓄之血结 苍术补中除湿，宽中发汗，米泔、白矾、皂角水浸一宿，去黑皮，晒干，炒，各一两 杏仁利胸中

① 千金子：原作“一金子”，据《古今医鉴·中风》改。

② 峻：原作“蛟”，据《古今医鉴·通治》改。

③ 慎：原作“愈”，据《古今医鉴·通治》改。

④ 不具足人：指身体残缺不全的人。

逆气喘促，润大肠气闭难通，用白矾、皂角水泡，去皮尖，一两，炒黑 甘遂面裹煨，一两，祛痰、消血，亦消痰 红花酒蒸，一两，能逐腹中之恶血，而补血虚之血 白芥子炒，一两，能宽胸膈，逐膈痰 黄柏炒褐色，一两，除脐下痛，补肾水衰 大戟取长流水煮一时，晒干，一两，能治风痛 芫花醋拌一宿，炒黑，一两，能化痰破积，而搜肠风 大黄酒湿①，纸包煨干，再用酒炒，一两，能快膈除痰，通血脉

上为细末，姜汁、竹沥煮，蒸饼糊为丸，如绿豆大，每用二三十丸，极甚者五七十丸，量虚实加减，切不可太多，恐损胃气也。

加味羌活冲和汤 治中风口眼喎斜，头疼发热，恶风初作者。

羌活二钱，治太阳肢节痛 川芎一钱半，治头痛在脑 防风一钱半，治一身尽痛，听君将命令而行，随所使引之 白芷治阳明头痛在额 苍术一钱，米泔制，雄壮上行之气，又能除湿气 黄芩一钱，治肺热在胸 生地黄一钱，治心热在内 细辛三分，治肾经苦②头痛 甘草三分，缓里急，和诸药 加独活一钱，治诸风掉眩，颈项难伸 藁本治风湿，止疼痛

上锉，水煎服。

加味补中益气汤 治中风面目、十指俱麻，乃气虚也。

黄芪一钱五分，益元气而补三焦 人参去芦，一钱，补中益气，气行则血行，血行而风自灭矣 甘草炙，一钱，和胃健脾 陈皮一钱，和胃、消痰利气 白术去芦，一钱，扶胃健脾，有进食之效 当归酒洗，一钱，养血 柴胡五分，能使胃中之清气左旋而上达 升麻五分，能使胃中之清气右旋而上达 加附子五分，能壮元阳 木香五分，能调诸气 羌活五分，表入风之邪，利周身百节之痛，除新旧风湿之症 防风五分，能通疗诸风 乌药五分，能治冷气 姜三片

水煎，热服。

羌活愈风汤 治肝肾虚，筋骨弱，语言謇涩，精神昏愤，风湿内弱，风热体重，或瘦而一枝偏枯，或肥而半身不遂。大抵心

① 湿：《古今医鉴·痰饮》作“酒蒸”。

② 苦：此后原衍“及”字，据《古今医鉴·伤寒》删。

劳则百病生，心静则万邪息。此药能安心养神，调理阴阳，使无偏胜。

蔓荆子通关窍，而治头风之痛 防风去芦，通疗诸风 细辛去苗，无毒，性温，散三阳数变之风邪 枳壳消心下痞塞之痰，泄腹中滞塞之气 熟地黄活血气，封填骨髓 人参去芦，补中益气 川芎上行头角，助清阳之气而止痛 麻黄去节，发汗而疗咳逆 薄荷祛除诸热之邪 甘菊花散八风上注之头眩 当归去尾，养血 地骨皮去骨，表无定之风邪 知母泻无根之肾火 黄芪益元气而补三焦 杜仲炒，去壳，治腰痛而补虚 枸杞子能补气去风 秦艽除四肢风湿若神，疗遍体黄疸即愈 柴胡去芦，治左右两胁疼痛 半夏姜制，除湿化痰涎 梓厚朴姜制，除湿满，散结，调中 羌活除新、旧风湿之症 独活治诸风掉眩，颈项难伸，风寒湿痹 甘草生，泻火解毒 白芷去头面、皮肤之风 前胡止嗽，开胸，亦下痰 防己已上各三分，有去风湿之能 白茯苓益气和中 黄芩中枯而飘者，泻肺火，又除风湿，消痰利气 白芍药已上各四分，补虚，生新血，退热 石膏除湿热，清肺气 苍术补中除湿 生地黄各六分，泻脾土之湿热，除五心之烦闷 桂枝一分，能上行发表 遇天阴雨加生姜三片

上细锉，作一剂，水二大盏，煎至一盏，去渣温服。

按：上方治风中经者，调血养血之剂。

太玄汤 治中风痰气厥绝，心头尚温，喉中微响。此药下痰如神。

染布活靛缸水一盏，温而灌之，即能说话

三生饮 治中风昏不知人，口眼喎斜，半身不遂，咽喉作声，痰气上壅。无问外感风寒，内伤喜怒，或六脉沉伏，或指下浮盛，并宜服之。兼治痰厥气^①厥，及气虚昏眩。

南星一两，能醒脾，去惊风痰吐之忧 川乌去皮尖，五钱，能消痰治脾之风，又能破积 附子去皮尖，五钱，除六腑之沉寒，补三阳之厥逆 木香二钱半，泄肺气，又能调诸气

上锉，生姜十片，水煎温服。

① 气：原作“饮”，据《古今医鉴·中风》改。

若真气虚而风邪所乘，加人参一两，大效；气盛人，只用南星五钱，木香一钱，生姜十四片，煎服；痰涎壅盛，声如牵锯，药不下者，宜灸关元、气海穴。

三化汤 治中风外有六经之形证，先以加减续命汤随证治之，风有便溺之阻隔，复以此药导之。

川厚朴姜汁炒，除湿满，散结调中 羌活能除新旧风湿之症 大黄夺土郁而无壅滞 枳实消胸中之虚痞，逐心下之停水

上各等分，细锉，姜煎，若不利再服，至微利则已。如内邪已除，外邪已尽，当服愈风汤，以行中道，久服大风悉去，纵有微邪，只从愈风加减汤治之。然治病之法，不可失于通塞，或一气之微汗，或一句之通利，如此为常治之法也。久之则清浊自分，荣卫自和矣。

按：上方治风中脏者，通里之剂。

大秦芎汤^① 治中风外无六经之形证，内无便溺之阻隔，知血弱不能养于筋，故手足不能运动，舌强不能言语，宜养血而筋自荣。

秦芎一钱，攻风逐水，除肢节之痛 甘草炙，一钱，健脾和中 当归一钱，去尾，养血 白芍药一钱，退热，生新血 川芎一钱，性温，无毒，而止头痛 细辛三分半，散三阳数变风邪 羌活散肌表八风之邪 防风能泻肺金，通疗诸风 黄芩各五分，能除风去湿 石膏一钱，清肺气，除虚热 白芷五分，止阳明头痛之邪 白术五分，利水道，能除湿热 独活一钱，治诸风掉眩，颈项难伸，风寒湿痹 生地黄五分，泻脾土之湿热 白茯苓一钱，能除湿利窍 熟地黄五分，活血气，填骨髓

上细锉，一剂，生姜三片，水二钟，不拘时温服。或加竹沥、姜汁同服。如心下痞满，加枳实一钱，能消胸中之虚痞。

防风通圣散 治中风一切风热，大便闭结，小便赤涩，头面生疮，眼目赤痛；或热极生风，舌强口噤；或鼻生紫赤，风刺瘾疹而为肺风；或成风厉，而世呼为大风；或肠风，而为痔漏；或

^① 汤：原作“丸”，据下文煎服法及《古今医鉴·中风》改。